


## FASNACHTSGESELLSCHAFT



BASEL ALTI GARDE GEGR. 1995

### Fasnacht 2014

#### Mir Alte weeren is

E Ballade iiber d Sicherheit vo den Alte in  
Basel; no dr Melodie vo *Z Basel an mym Rhy*

Z Basel an mym Rhy  
Jo, dert schloot me dry  
Zue jeder Nacht- und Daageszyt  
liberfallt men alti Lyt  
Das goot aifach, das goot aifach zwytt!

Goosch als Alten emool in d Stadt  
So findsch das nimm so glatt  
D Gfoor isch grooss as uusgraubt wirsch  
D Ganoove sin scho uff dr Pirsch  
Wo blybbt d Boli, wo blybbt d Bolizei?

Au am haiterhülle Daag  
Rysgiersch e harte Schlaag  
Fliegsch uff e Ranze und kaasch gsee  
Wie Aine filzt di Boortmenee  
Oo herjeemi, oo herjeeminee!

Loosch s Däschli nid grad loos  
Druggt me di uff d Strooss  
Ginggt und briiglet uf dir umme  
Heersch numme no dr Schäadel brumme  
Do bisch wirggli, wirgglig ganz elai!

Niemerts kunnt dr z Hilf  
Elai liggsch do im Schilf  
Wyt und brait kai Bolizei  
Do hilft kai Hyyle und kai Gschrei  
Wo blybbt d Boli, wo blybbt d Bolizei?

S nutzt nyt wenn me sich beschwäärt  
Denn dr Baschi Dürr ergläärt  
Statt Jagd uff Gauner und uff Fleegel  
Verdaile mir lieber Buessezeedel  
In dr ganze, in dr ganze Stadt

Verwitscht me doch emool e Dieb  
Isch me mit däm ganz lieb  
Me längt en numme mit Häntschen aa  
Denn dä haig e schwääri Juuged ghaa  
Dorum losst men iin grad wiider frei

D Justizia die pfuust guet  
Und de Richter fäält dr Muet  
Soo blybt unseri Stroofjustiz  
Fir die Gauner e schlächte Witz  
Denn s git heggschtens 50 Stutz bedingt

Wenn dr Staat nit hälfe will  
Stoot fir uns Alte d Wält nit still  
Jetz gryffe mir zer Sälbschtjustiz  
Mache Nookampfsport es isch kai Witz  
Denn mir Alte, mir Alte weeren is

Au im Alter goosch no draa  
Ibsch dääglig Judoka  
Wenn s au gracht in baide Gnei  
Fyylsch di wiider zwääg wie nei  
Denn mir Alte, mir Alte weeren is

Au Boxen isch nit schlächt  
Das git dir Schutz und Rächt  
Boxerhäntsche gänn au warm  
Bim Geegner lande si am Darm  
Denn mir Alte, mir Alte weeren is

Und bisch au alt und arm  
So gits jetz dä Schrillalarm  
Dä isch zwoor luut, doch hilft nit grooss  
Denn Schugger findsch kain uff dr Strooss  
Wo blybt d Boli, wo blybt d Bolizei?

An dr Fasnacht steen mir yy  
Dert sin mir derby  
Und kunnt emoole soone Fleegel  
Weere mir is mit de Drummelschleegel  
Denn mir Alte, mir Alte weeren is!

D Frau Fasnacht laadet y an d Ladärne-  
Uusstellig uff em Minschterblatz oder uff e  
Kasärneblatz an d Uusstellig vo de Wääge- und  
Reggwisyte vom Mäntigzoobe bis am Mittwuch  
demoorge.

**[www.muggedaetscher.ch](http://www.muggedaetscher.ch)**